



Arolygiaeth Ei Fawrhydi dros Addysg a Hyfforddiant yng Nghymru
His Majesty's Inspectorate for Education and Training in Wales

Hysbysiad Preifatrwydd ar gyfer arolygwyr allanol

Hydref 2024

Taflen wybodaeth

Blwch gwybodaeth

I gael rhagor o gyngor, cysylltwch â: Y Grŵp Llywodraethu Gwybodaeth a Data

Dyddiad cyhoeddi: Hydref 2024

Fersiwn 1.3

Rheoli fersiwn

Fersiwn y ddogfen	Awdur	Dyddiad cyhoeddi	Newidiadau a wnaed
1.0	Y Grŵp Llywodraethu Gwybodaeth	Gorffennaf 2018	Polisi newydd
1.1	Y Grŵp Llywodraethu Gwybodaeth	Gorffennaf 2021	Gwnaed newidiadau yn unol â menter Goslef Llais ynghyd â'r mân ddiweddariadau canlynol – ychwanegu pwynt bwled at Adran 7: <ul style="list-style-type: none">ein cynghorwyr proffesiynol pan fydd ei hangen arnynt i roi eu cyngor proffesiynol i ni
1.2	Y Grŵp Llywodraethu Gwybodaeth	Ionawr 2022	Gwnaed newidiadau yn unol â diwygiadau i'r prif Hysbysiad Preifatrwydd.
1.3	Y Grŵp Llywodraethu Gwybodaeth a Data	Medi 2024	Gwnaed newidiadau yn unol â diwygiadau i'r prif Hysbysiad Preifatrwydd. Diweddarwyd i adlewyrchu newidiadau i arferion/gweithdrefnau gweithio, gan egluro y gallem drosglwyddo eich data personol y tu allan i'r DU (yn amodol ar amddiffyniad cyfreithiol cyfwerth). Adolygwyd gan

			gyfreithwyr i sicrhau cydymffurfiad cyfreithiol.
--	--	--	--

Asesiad Effaith

Cynhaliwyd asesiad effaith ac nid ystyrir bod y polisi hwn yn effeithio'n niweidiol ar:

- unrhyw bobl ar sail oedran, anabledd, ailbennu rhywedd, priodas a phartneriaeth sifil, beichiogrwydd a mamolaeth, hil, crefydd neu gred, rhyw, cyfeiriadedd rhywiol a'r Gymraeg
- cyflawni ein hamcanion strategol a'n cyfraniad at gynaliadwyedd.

1	Cyflwyniad	1
2	I bwy mae'r hysbysiad preifatrwydd hwn yn berthnasol?	1
3	Sut rydym ni'n ymdrin â phreifatrwydd?	1
4	Pa wybodaeth bersonol rydym ni'n ei dal amdanoch chi a sut rydym ni'n cael y wybodaeth hon?	3
5	At ba ddiben byddwn ni'n defnyddio'ch gwybodaeth bersonol a beth yw ein sail gyfreithiol dros wneud?	4
6	Pa wybodaeth bersonol categori arbennig rydym ni'n ei dal amdanoch chi?	5
7	At ba ddiben byddwn ni'n defnyddio'ch gwybodaeth bersonol categori arbennig a beth yw ein seiliau cyfreithiol dros wneud?	6
8	Am ba hyd rydym ni'n cadw'ch gwybodaeth?	7
9	Gyda phwy rydym ni'n rhannu'ch gwybodaeth?	7
10	Sut rydym ni'n cadw'ch gwybodaeth bersonol yn ddiogel?	8
11	Pa hawliau sydd gennych o dan gyfraith diogelu data?	9
12	Eich hawl i dynnu cydsyniad yn ôl	10
13	Cywirdeb	11
14	Sut gallwch chi gysylltu â ni?	11
15	Yr hawl i gwyno i Swyddfa'r Comisiynydd Gwybodaeth	11

1 Cyflwyniad

Croeso i hysbysiad preifatrwydd Estyn ar gyfer arolygwyr allanol. Rydym yn ymrwymo i amddiffyn preifatrwydd a diogelwch eich gwybodaeth bersonol.

Estyn yw arolygiaeth addysg a hyfforddiant Cymru. Wrth gyflawni ein rôl fel arolygiaeth, rydym yn casglu ac yn cael gwybodaeth bersonol am unigolion; hefyd, rydym yn casglu ac yn cael gwybodaeth bersonol am ymwelwyr â'n gwefan neu bobl sy'n anfon ymholiadau atom ni neu'n cysylltu â ni am wybodaeth.

Mae'r hysbysiad preifatrwydd hwn yn amlinellu'r safonau y gallwch eu disgwyl gennym pan fyddwn yn casglu ac yn defnyddio gwybodaeth bersonol, ynghyd â manylion am sut a phryd rydym ni'n ei chasglu a sut rydym ni'n ei defnyddio.

Hefyd, mae'n amlinellu gwybodaeth am ba hawliau sydd gan unigolion yn gysylltiedig â'u gwybodaeth bersonol o dan gyfraith diogelu data a beth i'w wneud os oes ganddynt adborth neu gŵyn. Hefyd, rydym yn darparu manylion am sut y gallant gysylltu â ni neu Swyddfa'r Comisiynydd Gwybodaeth am ragor o wybodaeth.

2 I bwy mae'r hysbysiad preifatrwydd hwn yn berthnasol?

Mae'r Hysbysiad Preifatrwydd hwn yn berthnasol i arolygwyr allanol a benodir gennym trwy gontractau neu gytundebau – mae hyn yn cynnwys arolygwyr ychwanegol dan gontract, arolygwyr cymheiriaid, arolygwyr lleyg, enwebeion, arolygwyr ymgynghorwyr her ac unrhyw aelod allanol arall o'r tîm arolygu. Yn yr adrannau isod, rydym yn defnyddio "chi" neu "eich" wrth gyfeirio at arolygwyr allanol.

3 Sut rydym ni'n ymdrin â phreifatrwydd?

Rydym ni'n cymryd eich preifatrwydd o ddifrif ac rydym am i chi deimlo'n hyderus bod eich gwybodaeth bersonol yn ddiogel yn ein dwylo ni.

Byddwn ond yn defnyddio'ch gwybodaeth bersonol yn unol â chyfraith diogelu data sy'n berthnasol i Gymru a Lloegr o bryd i'w gilydd.

O dan gyfraith diogelu data, pan fyddwn yn defnyddio'ch gwybodaeth bersonol, byddwn yn ymddwyn fel rheolydd data. Yn ei hanfod, mae hyn yn golygu y byddwn ni'n gwneud penderfyniadau am sut caiff eich gwybodaeth bersonol ei dal a'i defnyddio a pham.

Isod, rydym ni'n crynhoi'r prif reolau sy'n berthnasol i ni o dan gyfraith diogelu data pan fyddwn ni'n defnyddio'ch gwybodaeth bersonol:

1. Rhaid i ni fod yn agored am sut rydym ni'n bwriadu defnyddio'ch gwybodaeth bersonol a rhaid i ni ddefnyddio'ch gwybodaeth bersonol yn deg. Mae darparu

gwybodaeth am breifatrwydd i unigolion (fel yn yr hysbysiad preifatrwydd hwn) yn un ffordd rydym ni'n gwneud hyn.

2. Rhaid i ni ond ddefnyddio'ch gwybodaeth bersonol os oes gennym sail gyfreithiol dros wneud o dan gyfraith diogelu data. Mae'r seiliau cyfreithiol hyn yn cynnwys bod defnyddio'ch gwybodaeth bersonol gennym yn angenrheidiol ar gyfer cyflawni'r contract a wnaethom gyda chi, ar gyfer cyflawni tasg a wneir er budd y cyhoedd neu wrth arfer yr awdurdod swyddogol a roddwyd i ni. Yn gyffredinol, mae hyn oherwydd bod prosesu'ch gwybodaeth bersonol gennym yn angenrheidiol i arfer swyddogaeth a roddwyd i ni trwy statud, sy'n cynnwys (ond nid yw'n gyfyngedig i) swyddogaethau yn Neddf Addysg 2005, Deddf Dysgu a Sgiliau 2000, Deddf Addysg Drydyddol ac Ymchwil (Cymru) 2022 a Deddf Plant 2004, fel y'u diwygir o bryd i'w gilydd. Hefyd, gallwn ond defnyddio gwybodaeth bersonol fel y gallwn gydymffurfio â'n rhwymedigaethau statudol. Mewn rhai sefyllfaoedd, gallwn ddefnyddio gwybodaeth bersonol oherwydd bod buddiant dilys i ni yn sgil gwneud hynny.
3. Gallwn ond defnyddio rhai mathau o wybodaeth bersonol sensitif, y cyfeirir ati fel gwybodaeth bersonol categori arbennig (fel gwybodaeth am eich iechyd, eich tras hiliol neu ethnig, neu'ch crefydd), os gallwn hefyd fodloni un o'r amodau ar gyfer prosesu'r math hwn o wybodaeth a nodir mewn cyfraith diogelu data, yn ychwanegol at y rhesymau ym mharagraff 2 uchod. Mae'r amodau hyn yn cynnwys:
 - a. eich bod wedi rhoi eich cydsyniad penodol i ni i ddefnyddio'r wybodaeth
 - b. mae angen i ni gyflawni ein rhwymedigaethau cyfreithiol neu arfer hawliau yn gysylltiedig â'ch penodiad
 - c. mae'r prosesu'n angenrheidiol oherwydd bod budd sylweddol i'r cyhoedd
4. Dim ond o dan rai amgylchiadau y caniateir i ni rannu'ch gwybodaeth bersonol gydag eraill ac, os byddwn ni'n gwneud hynny, byddwn ni'n cymryd camau i sicrhau y bydd eich gwybodaeth bersonol yn ddiogel.
5. Rhaid i ni ond ddefnyddio'ch gwybodaeth bersonol at y dibenion penodol yr ydym wedi dweud wrthy'ch amdanynt. Os ydym am ddefnyddio'ch gwybodaeth bersonol at ddibenion eraill, bydd angen i ni gysylltu â chi eto i roi gwybod i chi am hyn
6. Ni chawn ddal mwy o wybodaeth bersonol nag y mae ei hangen arnom at y dibenion y dywedom ni wrthy'ch ac ni chawn gadw'ch gwybodaeth bersonol am gyfnod hwy na'r angen at y dibenion hynny (yr enw ar hyn yw'r "cyfnod cadw"). Hefyd, os nad oes angen gwybodaeth arnom mwyach, rhaid i ni gael gwared arni'n ddiogel. Mae manylion pellach i'w gweld yn ein [Polisi ar Gadw a Gwaredu Cofnodion](#).
7. Rhaid i ni sicrhau bod gennym fesurau diogelwch priodol ar waith i amddiffyn eich gwybodaeth bersonol.
8. Rhaid i ni weithredu yn unol â'ch hawliau o dan gyfraith diogelu data.
9. Gan fod eich data personol yn cael ei storio ar ein seilwaith TG, a'i rannu gyda'n proseswyr data, gellir ei drosglwyddo a'i storio'n ddiogel y tu allan i'r Deyrnas

Unedig. Os felly, bydd yn destun amddiffyniad cyfreithiol cyfwerth naill ai drwy drosglwyddo data personol dim ond i wlad sydd â phenderfyniad digonolrwydd ar waith sy'n barnu bod y cyfryw wlad yn darparu lefel ddigonol o amddiffyniad ar gyfer data personol neu drwy ddefnyddio Cymalau Cytundebol Safonol neu Gytundebau Trosglwyddo Data Rhyngwladol, sy'n rhoi i'r data personol a drosglwyddwyd yr un amddiffyniad ag sydd ganddo yn y DU.

10. Mae'n bwysig eich bod chi'n darllen yr hysbysiad preifatrwydd hwn ynghyd ag unrhyw bolisi preifatrwydd neu bolisi prosesu teg arall y gallwn eu darparu ar adegau penodol pan fyddwn ni'n casglu neu'n prosesu'ch gwybodaeth bersonol, fel eich bod yn llwyr ymwybodol ynghylch sut a pham rydym ni'n defnyddio'ch gwybodaeth. Mae'r hysbysiad preifatrwydd hwn yn ategu hysbysiadau a pholisïau preifatrwydd eraill ac ni fwriedir iddo fod yn drech na nhw.

Rydym yn adolygu'n hysbysiad preifatrwydd yn rheolaidd. Diweddarwyd y fersiwn hon ddiwethaf ar 31 Hydref 2024.

Mae'n bwysig bod y wybodaeth bersonol rydym ni'n ei dal amdanoch yn gywir ac yn gyfredol. Rhowch wybod i ni os bydd eich data personol yn newid yn ystod eich perthynas gyda ni.

4 Pa wybodaeth bersonol rydym ni'n ei dal amdanoch chi a sut rydym ni'n cael y wybodaeth hon?

Fel arolygydd allanol, byddwn yn gofyn i chi ddarparu gwybodaeth bersonol benodol amdanoch chi pan fyddwch chi'n dechrau gweithio i ni ac yn ystod eich penodiad.

Mae cyfraith diogelu data yn diogelu gwybodaeth bersonol sef, yn ei hanfod, unrhyw wybodaeth y gellir adnabod unigolyn ohoni. Mae math o wybodaeth bersonol sy'n cael ei diogelu ymhellach oherwydd ei natur sensitif neu breifat. Weithiau, gelwir hyn yn 'wybodaeth bersonol categori arbennig' ac mae'n golygu gwybodaeth bersonol am hil unigolyn, tarddiad ethnig, safbwyntiau gwleidyddol, credoau crefyddol neu athronyddol, aelodaeth (neu ddiffyg aelodaeth) o undeb llafur, gwybodaeth am eneteg, gwybodaeth fiometrigrig (lle y'i defnyddir i adnabod unigolyn) a gwybodaeth am ieched, bywyd rhywiol neu gyfeiriadedd rhywiol unigolyn.

Caiff y wybodaeth hon naill ai ei chasglu'n uniongyrchol oddi wrthydych chi, eich cyflogwr neu oddi wrth ddarparwr gwiriad cefndir. Weithiau, byddwn yn casglu gwybodaeth ychwanegol gan drydydd parti, gan gynnwys cyn-gyflogwyr/cyflogwyr eraill, asiantaethau gwirio credyd neu asiantaethau eraill gwirio cefndir, gweithwyr eraill (a gyflogir yn uniongyrchol gan Estyn neu sydd o dan contract) a'r Gwasanaeth Datgelu a Gwahardd.

Gall y wybodaeth a gasglwn yn ystod eich penodiad â ni gynnwys:

- eich enw, cyfeiriad a'ch manylion cyswllt*
- eich dyddiad geni*
- eich rhywedd
- eich addysg a'ch cymwysterau*

- eich rôl/rolau arolygu penodol, gan gynnwys manylion cofrestru, lle y bo'n berthnasol*
- eich medrau, eich profiad a'ch aelodaeth o gyrff proffesiynol*
- eich manylion y Gwasanaeth Datgelu a Gwahardd*
- manylion eich cyswllt mewn argyfwng
- eich manylion banc*
- eich cyfraddau a/neu ffioedd contract*
- gallu yn y Gymraeg*
- ffotograffau (ar gyfer ID arolygwyr)
- gwybodaeth y mae eich cyflogwr/cyflogwyr blaenorol yn ei darparu
- eich hanes cyflogaeth
- gwybodaeth a gasglwyd yn ystod y broses ddewis, yr ydym yn ei chadw yn ystod eich penodiad
- manylion unrhyw hepgoriadau, gan gynnwys cysylltiadau â darparwyr addysg, neu swyddi neu benodiadau neu fuddiannau busnes eraill sydd gennych*
- unrhyw ddamweiniau yn gysylltiedig â'ch penodiad pan oeddech ar safle Estyn
- unrhyw hyfforddiant a wnaethoch a gyflwynwyd gan Estyn*
- unrhyw gŵynion, ymchwiliadau neu broblemau eraill yn gysylltiedig â'ch penodiad neu y gallwch ddarparu gwybodaeth amdanynt
- pryd fyddwch ar gael i'ch defnyddio*
- hanes eich defnyddio, gan gynnwys gwerthusiadau*
- unrhyw wybodaeth bersonol arall rydych chi'n ei rhannu gyda ni
- unrhyw addasiad(au) rhesymol a wnaed i'ch rôl neu i'ch gwaith o dan Ddeddf Cydraddoldeb 2010
- gwybodaeth am eich defnydd o'n systemau TG, cyfathrebu ac eraill

Gofynnir am rywfaint o'r data personol oherwydd bod cael a defnyddio'r wybodaeth yn ofniad cyfreithiol neu gytundebol neu mae'n rhaid darparu'r wybodaeth er mwyn gallu llunio contract gyda chi (mae * yn dangos y wybodaeth hon uchod). Bydd methiant i ddarparu gwybodaeth benodol yn ein hatal rhag ymwneud â chi neu gyflawni'r contract a wnaed gyda chi.

5 At ba ddiben byddwn ni'n defnyddio'ch gwybodaeth bersonol a beth yw ein sail gyfreithiol dros wneud?

Defnyddiwn y wybodaeth bersonol yr ydym yn ei dal amdanoch at nifer o ddibenion gwahanol, sy'n cael eu rhestru isod. O dan gyfraith diogelu data, mae'n rhaid bod gennym sail gyfreithiol ddilys dros ddefnyddio'ch gwybodaeth bersonol; amlinellwn isod y seiliau cyfreithiol y byddwn yn dibynnu arnynt hefyd.

Defnyddiwn y wybodaeth bersonol yr ydym yn ei dal amdanoch am y rhesymau canlynol:

- atal twyll
- cydymffurfio â rhwymedigaethau iechyd a diogelwch
- cydymffurfio a dangos cydymffurfiad ag unrhyw ofynion rheoleiddiol

Yn yr achosion hyn, y sail gyfreithiol y byddwn yn dibynnu arni i brosesu eich gwybodaeth bersonol yw ein galluogi i gydymffurfio â'n rhwymedigaethau cyfreithiol.

Hefyd, byddwn yn defnyddio'r wybodaeth bersonol yr ydym yn ei dal amdanoch am y rhesymau canlynol:

- cydymffurfio â'n contract gyda chi, a'i orfodi, a rhoi gwybod i chi am unrhyw newidiadau
- eich talu chi
- at ddibenion gweinyddu contract yn gyffredinol

Ym mhob un o'r achosion hyn, y seiliau cyfreithiol y dibynnwn arnynt ar gyfer prosesu eich gwybodaeth bersonol yw ei bod yn angenrheidiol ei phrosesu er mwyn cyflawni'r contract rhyngom ni ac ein galluogi i gydymffurfio â rhwymedigaethau cyfreithiol.

Hefyd, byddwn yn defnyddio'r wybodaeth bersonol yr ydym yn ei dal amdanoch am y rhesymau canlynol:

- delio ag unrhyw gŵynion, ymchwiliadau neu faterion a allai godi mewn perthynas â chi neu y gallech ddarparu gwybodaeth berthnasol amdanynt
- cofnodi'ch absenoldebau o'r gwaith a phryd fyddwch ar gael i'ch defnyddio
- adolygu a rheoli eich perfformiad a'ch datblygiad
- galluogi cynllunio a rheoli busnes, gan gynnwys cyfrifyddu ac archwilio
- monitro cydymffurfiad ag unrhyw rai o'n polisiau a'n gweithdrefnau
- asesu addasrwydd ar gyfer swydd neu dasg benodol
- gwneud penderfyniadau am eich penodiad parhaus
- monitro'ch defnydd ar ein systemau gwybodaeth
- sicrhau diogelwch y rhwydwaith a gwybodaeth, gan gynnwys atal mynediad anawdurdodedig at ein systemau cyfathrebu electronig a chyfrifiadurol
- cynnal astudiaethau dadansoddi data, er enghraifft i adolygu cyfraddau cadw ac ymadael cyflogeion, a'u deall yn well.

Yn yr achosion hyn, y seiliau cyfreithiol y byddwn yn dibynnu arnynt i brosesu eich gwybodaeth bersonol fydd bod hynny'n angenrheidiol at ddibenion cyflawni'r contract rhyngom, i'n galluogi i gydymffurfio â rhwymedigaethau cyfreithiol ac am fod hynny'n angenrheidiol er mwyn cyflawni tasg a wneir er budd y cyhoedd neu wrth arfer awdurdod swyddogol a roddwyd i Estyn, fel y'i hamlinellir mewn deddfwriaeth, sef Deddf Addysg 2005, Deddf Dysgu a Sgiliau 2000, Deddf Addysg Drydyddol ac Ymchwil (Cymru) 2022 a Deddf Plant 2004, fel y'u diwygir o dro i dro.

6 Pa wybodaeth bersonol categori arbennig rydym ni'n ei dal amdanoch chi?

Gallech ddewis datgelu gwybodaeth bersonol categori arbennig i ni. Bydd angen i ni gadw rhywfaint o wybodaeth bersonol categori arbennig amdanoch lle y mae'n angenrheidiol ar gyfer cyflawni neu arfer rhwymedigaethau neu hawliau yn gysylltiedig â'ch penodiad. Ar adegau prin, gall fod rhesymau eraill dros brosesu,

megis bod hynny er budd y cyhoedd, yn berthnasol i'ch penodiad. Gall y wybodaeth bersonol categori arbennig gynnwys:

- manylion unrhyw anabledd hysbys
- cyflawni trosedd neu honiad o gyflawni trosedd gennych, gan gynnwys canlyniadau gwiriadau'r Gwasanaeth Datgelu a Gwahardd (GDG)

7 At ba ddiben byddwn ni'n defnyddio'ch gwybodaeth bersonol categori arbennig a beth yw ein seiliau cyfreithiol dros wneud?

Rydym yn defnyddio'r wybodaeth bersonol categori arbennig yr ydym yn ei dal amdanoch at nifer o ddibenion gwahanol, yr ydym yn eu rhestru isod. Mae cyfraith diogelu data yn ein hatal rhag prosesu unrhyw wybodaeth bersonol categori arbennig oni bai ein bod ni'n gallu bodloni o leiaf un o'r amodau a osodir gan gyfraith diogelu data. Hefyd, rydym yn amlinellu isod yr amodau penodol yr ydym yn dibynnu arnynt wrth brosesu data categori arbennig.

Defnyddiwn y wybodaeth bersonol categori arbennig yr ydym yn ei dal amdanoch at y dibenion canlynol:

- cydymffurfio a dangos cydymffurfiad ag arferion cyflogaeth gorau, ac unrhyw gyfreithiau perthnasol eraill
- cydymffurfio a dangos cydymffurfiad ag unrhyw ofynion rheoleiddiol
- delio ag unrhyw gŵynion, ymchwiliadau neu faterion a allai godi mewn perthynas â chi neu eraill neu y gallwch ddarparu gwybodaeth berthnasol amdanynt i ni
- gwneud unrhyw addasiadau rhesymol i'ch rôl

Yn yr achosion hyn, y sail gyfreithiol y byddwn yn dibynnu arni ar gyfer prosesu'ch gwybodaeth bersonol yw ei bod yn angenrheidiol at ddibenion cyflawni'r contract rhyngom.

Mewn achosion pan fydd hawliad wedi'i ddwyn yn erbyn Estyn neu mae risg bosibl anghydfod neu hawliad cyfreithiol, mae'n bosibl y bydd angen i ni brosesu'ch gwybodaeth bersonol categori arbennig pan fo angen hynny i sefydlu, arfer neu amddiffyn hawliadau cyfreithiol.

Rhagwelwn y gallem ddal gwybodaeth am euogfarnau troseddol.

Byddwn ond yn casglu gwybodaeth am euogfarnau troseddol os yw hynny'n briodol o ystyried natur y rôl a ble y gallwn wneud hynny yn ôl y gyfraith. Lle y bo'n briodol, byddwn yn casglu gwybodaeth am euogfarnau troseddol fel rhan o'r broses ddewis a phenodi neu os cawn wybod yn uniongyrchol gennych am wybodaeth o'r fath tra byddwch yn gweithio i ni.

Byddwn ond yn defnyddio gwybodaeth am euogfarnau troseddol lle y bo'r gyfraith yn caniatáu i ni wneud hynny. Bydd hyn fel arfer pan fydd prosesu o'r fath yn angenrheidiol er budd sylweddol y cyhoedd, sef, atal neu ganfod gweithredoedd anghyfreithlon, diogelu'r cyhoedd rhag anonestrwydd, diogelu, atal twyll, neu amheuaeth o derfysgaeth neu wyngalchu arian.

Yn llai cyffredin, gallem ddefnyddio gwybodaeth am euogfarnau troseddol lle y bo'n angenrheidiol yn gysylltiedig â hawliadau cyfreithiol, lle y bo'n angenrheidiol i amddiffyn eich buddiannau chi (neu fuddiannau rhywun arall) ac nid oes gennych y gallu i gydsynio, neu pan fyddwch eisoes wedi datgelu'r wybodaeth yn gyhoeddus.

Mae gennym ddogfen bolisi a dulliau diogelu priodol ar waith, y mae'n ofynnol o dan y gyfraith i ni eu cynnal wrth brosesu data o'r fath.

8 Am ba hyd rydym ni'n cadw'ch gwybodaeth?

I wneud yn siŵr ein bod yn bodloni'n rhwymedigaethau diogelu data a phreifatrwydd cyfreithiol, byddwn ond yn dal eich gwybodaeth am ba hyd bynnag y mae gwir angen arnom amdani at y dibenion y gwnaethom ei chaffael yn y lle cyntaf.

Gan amlaf, mae hyn yn golygu y byddwn yn cadw'ch gwybodaeth am ba hyd bynnag y mae ei hangen, fel yr amlinellir yn ein [Polisi Cadw a Gwaredu Cofnodion](#).

I bennu'r cyfnod cadw priodol ar gyfer data personol, rydym yn ystyried swm, natur a sensitifrwydd y data personol, risg bosibl niwed yn sgil defnydd anawdurdodedig o'ch data personol, neu ei datgelu'n anawdurdodedig, at ba ddibenion yr ydym yn prosesu'ch data personol a ph'un a allwn gyflawni'r dibenion hynny trwy ddulliau eraill, a'r gofynion cyfreithiol perthnasol.

9 Gyda phwy rydym ni'n rhannu'ch gwybodaeth?

Bydd Estyn yn dal eich data personol. Bydd eich data personol yn cael ei rannu'n fewnol gydag unigolion a/neu adrannau eraill lle y bo angen rhesymol am hyn at y dibenion prosesu a amlinellir yn adran 4 uchod. Er enghraifft, bydd mynediad cyfyngedig gan Arolygwyr at broffiliau arolygwyr eraill sy'n cymryd rhan mewn arolygiadau er mwyn rheoli'r arolygiad yn effeithiol.

O bryd i'w gilydd, bydd arnom angen rhannu'ch gwybodaeth gyda phobl a sefydliadau allanol, gan gynnwys adrannau eraill y llywodraeth. Byddwn yn gwneud hynny pan fydd gennym sail gyfreithiol neu gyfreithlon yn unig i wneud hynny, gan gydymffurfio â'n rhwymedigaethau o dan gyfreithiau diogelu data.

Gallai eich gwybodaeth gael ei datgelu i:

- **sefydliadau'r ydym yn eu harolygu** a fydd yn cael manylion cyswllt Arolygwyr perthnasol a staff perthnasol eraill er mwyn gallu cysylltu â nhw am faterion yn ymwneud ag arolygu
- **Cyllid a Thollau Ei Fawrhydi (CThEF)** mewn cysylltiad â'ch tâl a'ch buddion
- **ein banc a'n biwro BACS** mewn cysylltiad ag unrhyw daliadau a wneir i chi
- **pobl eraill sy'n ein helpu** i redeg ein busnes, er enghraifft darparwyr cymorth neu system TG
- **cyrff proffesiynol a rheoleiddwyr** fel Cyngor y Gweithlu Addysg, Arolygiaeth Gofal Cymru, gwasanaethau diogelu Awdurdodau Lleol

- **ein cyngorwyr proffesiynol** gan gynnwys ein harchwilwyr ac Archwilio Cymru wrth gynnal archwiliadau mewnol ac allanol
- **yr Heddlu, awdurdodau lleol, y llysoedd** ac unrhyw awdurdod arall y llywodraeth, os byddant yn gofyn i ni ei datgelu (cyn belled ag y bo'n gyfreithlon i ni wneud yn unig)
- **ein cyngorwyr proffesiynol**, pan fydd ei hangen arnynt i roi eu cyngor proffesiynol i ni
- **y Gwasanaeth Datgelu a Gwahardd (GDG) a chwmni ymbarél y GDG**
- **pobl eraill sy'n gwneud cais gwrthrych am wybodaeth**, lle y mae'r gyfraith yn caniatáu i ni ei datgelu
- **achwynwyr**, pan fo hyn yn angenrheidiol i ymateb i unrhyw gŵynion sy'n dod i law
- **pobl eraill pan fo rhwymedigaeth gyfreithiol arnom i'w datgelu**, e.e. i gydymffurfio â gorchymyn llys
- **sefydliadau addysgol neu ddarparwyr cyrsiau** yn gysylltiedig ag unrhyw hyfforddiant a wnewch neu a wnaethoch
- **eich teulu neu'ch cynrychiolwyr**

10 Sut rydym ni'n cadw'ch gwybodaeth bersonol yn ddiogel?

Rydym yn cymryd amrywiol gamau i amddiffyn eich gwybodaeth bersonol tra bydd yn ein meddiant, gan gynnwys:

- Rhoi camau diogelwch priodol ar waith i gyfyngu ar fynediad i'n seilwaith TG yn fewnol a thrwy fynediad o bell
- Rhoi polisiau diogelwch data mewnol ar waith a rhoi hyfforddiant i aelodau staff ar bolisiau o'r fath
- Mae staff yn cael hyfforddiant Diogelwch a Diogelu Data gorfodol y gwasanaeth sifil yn rheolaidd
- Negeseuon atgoffa rheolaidd i aelodau staff am eu cyfrifoldebau wrth brosesu data personol, cael ato neu ei ddefnyddio
- Mae ein darparwr gwasanaethau TG yn adolygu ein mesurau diogelwch data yn rheolaidd
- Sicrwydd gan ein cyflenwyr gwasanaethau TG dan gontract a allai fod yn ymdrin â'ch data personol fod systemau trylwyr ar waith ganddynt i gadw'ch data'n ddiogel
- Cadarnhad gan ein darparwyr gwasanaeth TG fod data'n cael ei gasglu a'i brosesu'n gyfreithlon, a heb dresmasu ar hawliau a rhyddid unigolyn
- Ymarferion rheolaidd ar adfer yn sgil argyfwng i sicrhau ein bod yn gallu ymateb i ymosodiad seiber neu ddigwyddiad diogelwch data yn gyflym, yn effeithiol a heb risg torri rheolau diogelwch data
- Cynnal achrediad Hanfodion Seiber Plws blynyddol i amddiffyn rhag y bygythiadau seiber mwyaf cyffredin
- Diweddarau meddalwedd i amddiffyn rhag meddalwedd wystlo ac ymosodiadau seiber eraill
- Amgryptio dyfeisiau cludadwy sy'n cynnwys unrhyw ddata personol

- Polisiâu mynediad trylwyr ynghylch ffonau symudol i atal mynediad anawdurdodedig

11 Pa hawliau sydd gennych o dan gyfraith diogelu data?

O dan gyfraith diogelu data, mae gennych nifer o hawliau gwahanol yn gysylltiedig â defnyddio'ch gwybodaeth bersonol. Mae'r tabl isod yn cynnwys crynodeb o'r hawliau hynny a'n rhwymedigaethau. Mae rhagor o wybodaeth am eich hawliau a'n rhwymedigaethau i'w gweld ar wefan Swyddfa'r Comisiynydd Gwybodaeth <https://ico.org.uk/>.

- 1 **Hawl i gael gwybod** – Mae gan unigolion yr hawl i gael gwybod bod eu data personol yn cael ei gasglu a'i ddefnyddio. Rhaid i ni roi gwybodaeth i unigolion sy'n cynnwys: ein dibenion ar gyfer prosesu'u data personol, ein cyfnodau cadw ar gyfer y data personol hwnnw a gyda phwy y bydd y data'n cael ei rannu.
- 2 **Hawl mynediad** – Dyma'r hawl i gael mynediad at eich data personol a gwybodaeth atodol amrywiol. Rhaid i ni roi copi i chi o'ch gwybodaeth bersonol a'r wybodaeth atodol arall heb oedi diangen a, phob amser, o fewn mis fel arfer o gael eich cais. Ni allwn godi arnoch am wneud hynny ac eithrio o dan amgylchiadau penodol (er enghraifft os byddwch chi'n gofyn am gopiâu pellach o'ch gwybodaeth bersonol).
- 3 **Hawl i gywiro data personol** – Dyma hawl i gywiro'ch gwybodaeth bersonol os yw'n anghywir neu'n anghyflawn. Rhaid i ni gywiro unrhyw wybodaeth anghywir neu anghyflawn heb oedi diangen a, phob amser, o fewn mis o gael eich cais. Os byddwn wedi datgelu'ch gwybodaeth bersonol i eraill, rhaid i ni (yn amodol ar rai eithriadau) gysylltu â'r sawl â'i derbyniodd i roi gwybod iddynt fod angen cywiro'ch gwybodaeth bersonol.
- 4 **Hawl dileu** – Dyma hawl i gael dileu neu waredu eich gwybodaeth bersonol. Mae'r hawl hon yn berthnasol o dan rai amgylchiadau yn unig (er enghraifft pan nad oes arnom angen y wybodaeth bersonol mwyach at ddibenion ei chasglu). Mae'r hawl gennym wrthod dileu neu waredu eich data personol o dan rai amgylchiadau. Os bydd yr hawl hon yn berthnasol, rhaid i ni ddileu neu waredu eich gwybodaeth bersonol heb oedi diangen a, phob amser, o fewn mis o gael eich cais. Os byddwn wedi datgelu'ch gwybodaeth bersonol i eraill, rhaid i ni (yn amodol ar rai eithriadau) gysylltu â'r sawl â'i derbyniodd i roi gwybod iddynt fod angen dileu'ch gwybodaeth bersonol.
- 5 **Hawl i gludadwyedd data** – Dyma hawl i gael ac ailddefnyddio'ch gwybodaeth bersonol at eich dibenion eich hun. Mae'n cynnwys hawl i ofyn bod eich gwybodaeth bersonol yn cael ei throsglwyddo i sefydliad arall (lle y bo'n ymarferol yn dechnegol). Mae'r hawl hon yn berthnasol o dan rai amgylchiadau cyfyngedig yn unig. Os bydd yr hawl hon yn berthnasol, rhaid i ni ddarparu eich gwybodaeth bersonol i chi ar ffurf strwythuredig, sy'n cael ei defnyddio'n gyffredin ac y gall peiriant ei darllen. Eto, mae'n rhaid i ni

weithredu heb oedi diangen a, phob amser, o fewn mis o gael eich cais. Ni allwn godi tâl arnoch am y gwasanaeth hwn.

- 6 **Hawl i wrthwynebu** – Dyma hawl i wrthwynebu i'r defnydd o'ch gwybodaeth bersonol. Mae'r hawl yn berthnasol o dan rai amgylchiadau penodol yn unig. Gallwch ddefnyddio'r hawl hon i herio'n defnydd o'ch gwybodaeth bersonol ar sail ein buddiannau cyfreithlon neu pan fo prosesu'n angenrheidiol i gyflawni tasg a wneir er budd y cyhoedd neu wrth arfer awdurdod swyddogol a roddwyd i ni. Hefyd, gallwch ddefnyddio'r hawl hon i wrthwynebu defnyddio'ch gwybodaeth bersonol ar gyfer marchnata uniongyrchol. Os byddwch chi'n gwrthwynebu defnyddio'ch gwybodaeth bersonol ar gyfer marchnata uniongyrchol, mae'n rhaid i ni roi'r gorau i ddefnyddio'ch gwybodaeth bersonol fel hyn cyn gynted ag y cawn eich cais. Os byddwch chi'n gwrthwynebu defnydd arall ar eich gwybodaeth bersonol, yr amgylchiadau penodol fydd yn pennu p'un a oes rhaid i ni roi'r orau i ddefnyddio'ch gwybodaeth bersonol.
- 7 **Hawl i wrthwynebu penderfyniadau awtomataidd** – Dyma hawl i beidio â bod yn destun penderfyniad a wneir dim ond ar sail prosesu'ch gwybodaeth bersonol yn awtomataidd, lle bydd y penderfyniad dan sylw'n cael effaith gyfreithiol arnoch chi neu effaith arwyddocaol debyg. Lle gwneir penderfyniad o'r fath, rhaid i chi gael gwybod am y ffaith honno cyn gynted ag y bo'n ymarferol yn rhesymol. Yna, mae gennych 21 diwrnod o gael yr hysbysiad i ofyn am ailystyried y penderfyniad neu nad yw penderfyniad yn cael ei wneud ar sail prosesu awtomataidd yn unig. Rhaid cydymffurfio â'ch cais o fewn 21 diwrnod.
- 8 **Hawl i gyfyngu ar brosesu** – Dyma hawl i 'atal' neu ffrwyno prosesu'ch gwybodaeth bersonol. Mae'r hawl hon yn berthnasol mewn amgylchiadau amrywiol, gan gynnwys pan fyddwch chi'n herio cywirdeb eich gwybodaeth. Os bydd angen i ni gyfyngu ar brosesu eich gwybodaeth bersonol, byddwn yn gallu ei storio ond ni fyddwn yn gallu'i defnyddio fel arall. Dim ond digon o wybodaeth amdanoch i sicrhau bod y cyfyngiad yn cael ei barchu yn y dyfodol y gallwn ei chadw. Os byddwn wedi datgelu'ch gwybodaeth bersonol i eraill, rhaid i ni (yn amodol ar rai eithriadau) gysylltu â'r sawl â'i derbyniodd i roi gwybod iddynt am y cyfyngiad ar ei defnyddio.

Os byddwch yn dymuno arfer unrhyw rai o'ch hawliau, gallwch wneud cais trwy gysylltu â'n Swyddog Diogelu Data gan ddefnyddio'r manylion isod.

Os byddwch yn gwneud cais am arfer unrhyw rai o'ch hawliau, mae hawl gennym ni ofyn i chi ddarparu unrhyw wybodaeth y gall fod ei hangen arnom i gadarnhau pwy ydych chi.

Am ragor o wybodaeth, cyfeiriwch at ein polisi Mynediad at Wybodaeth.

12 Eich hawl i dynnu cydsyniad yn ôl

Os ydych wedi rhoi cydsyniad i ni ddefnyddio unrhyw wybodaeth bersonol, gallwch dynnu'ch cydsyniad yn ôl ar unrhyw adeg. I wneud hynny, anfonwch e-bost at

ymholiadau@estyn.llyw.cymru neu cysylltwch â'n Swyddog Diogelu Data gan ddefnyddio'r manylion isod.

13 Cywirdeb

Os bydd unrhyw rai o'ch manylion personol yn newid yn ystod eich penodiad, dylech ddiwygio'ch Proffil Arolygydd.

14 Sut gallwch chi gysylltu â ni?

Mae croeso i chi gysylltu â ni i drafod eich gwybodaeth ar unrhyw adeg. Byddai ein tîm Caffael yn hapus i helpu.

Rydym wedi penodi Swyddog Diogelu Data i oruchwylio'n bod yn cydymffurfio â chyfraith diogelu data a'r hysbysiad preifatrwydd hwn. Mae ei fanylion isod. Os oes gennych unrhyw gwestiynau am yr hysbysiad preifatrwydd hwn, sut rydym yn ymdrin â'ch gwybodaeth bersonol, neu os hoffech gwyno, cysylltwch â'n Swyddog Diogelu Data.

Gallwch gysylltu â ni fel a ganlyn:

Cyfeiriad post	Swyddog Diogelu Data, Estyn, Llys Angor, Heol Keen, Caerdydd, CF24 5JW	Caffael, Estyn, Llys Angor, Heol Keen, Caerdydd, CF24 5JW
Cyfeiriad e-bost	ymholiadau@estyn.llyw.cymru	CyllidaChaffael@estyn.llyw.cymru
Rhif ffôn	029 2044 6446	029 2044 6446

15 Yr hawl i gwyno i Swyddfa'r Comisiynydd Gwybodaeth

Os na allwn ddelio â chwyn er boddhad i chi neu os ydych yn anfodlon â'r ffordd rydym ni'n defnyddio'ch data personol, mae gennych yr hawl hefyd i gwyno ar unrhyw adeg i awdurdod goruchwylio'r DU ar gyfer materion diogelu data, sef Swyddfa'r Comisiynydd Gwybodaeth.

Information Commissioner's Office
Wycliffe House
Water Lane
Wilmslow
Cheshire
SK9 5AF
Ffôn: 0303 123 1113 neu 01625 545745

Hysbysiad Preifatrwydd ar gyfer arolygwyr allanol

E-bost: casework@ico.org.uk